



প্রথম প্রকাশ : ২৯ নভেম্বর ১৯৫৮

প্রকাশক : দেবকুমার বসু | ৯/৩ টেমার লেন, কলিকাতা-৭০০ ৩৩৯

মুদ্রক : হরিপদ পাত্র | সত্যনারায়ণ প্রেস, ১ রমাপ্রসাদ রায় লেন, কলিঃ-৬

প্রচ্ছদ শিল্পী : সমীর ঘোষ

সবই তো ভাসিয়ে দিই  
ভেসে যাওয়া জলে  
তবু কিছদ্ রাখি তুলে  
হয়তো সে নেবে ভুলে  
তাপিত কমল করতলে ।



## সূচীপত্র

- যে ঐক্য পদ দিয়েছ ( প্রভু, এই নম্র নিরুচ্চার ) ৯
- প্রেম এসে চলে গেছে ( ভালোবাসা অশ্বকারে আলোঙ্গন ) ১০
- নীল কম্বলের গভীরে শূন্যে ( ভোরের স্বপ্নের মত ভুলে যেও ) ১১
- মোহিনী অশ্বকার ( তোমার চুলের বনে নীল ফুল ) ১২
- তোমার দৃ'চোখ ( তোমার দৃ'চোখ স্নিগ্ধ ভারী ) ১৩
- সদৃশময় হ'লে ( মাটির গভীরে তুমি চলে গেছ ) ১৪
- পৃথিবীর মায়েদের মন ভালোবেসে ( একদিন ঘুমের ভিতরে আমি ) ১৫
- বহুদিন পরে ঘরে ফেরা ( গাছেরা যেমন আছে থাক ) ১৬
- ঈশ্বর অমেয় তাই ( মাথার উপরে আঁকা মায়াবী মঙ্গল নীলাকাশ ) ১৭
- নম্র কাঠ গোলাপের হাসি ( তোমার খোঁপায় কবে ) ১৮
- ঘাসের গভীরে কটি গংগা ফড়িং ( ঘাসের গভীরে কটি ) ১৯
- হলা ঐশ্বর্য সহি ( তীক্ষ্ণ স্তনেতে চোখ ছিঁড়ে যায় ) ২০
- ভালোবাসা হলুদ রুমাল ( হৃদের বদকে ভালোবাসা ) ২১
- অশ্বকারে ইন্দ্রধনু ( এখন সে ঘাস হয় ) ২২
- স্বপ্নের সবুজ টেলিফোন ( ঘুমের গভীরে বাজে স্বপ্নের ) ২৩
- দৃশ্যগুলো ( দৃশ্যগুলো নিসর্গে ছড়ানো ) ২৪
- ভোরের শয্যায় জেগে মৃত এক মীন ( ভোরের শয্যায় তার ) ২৫
- তীক্ষ্ণ মেঘে বজ্রের বিস্ফোভ ( হঠাৎ মেঘটা ডাকলো ) ২৬
- রাজকীয় মহিমায় ফিরে আসি ( রোজ রোজ একই রাস্তা ধরে ) ২৭
- তুমি চলে গেলে ( তুমি চলে গেলে মোমবারিতর ভেতর থেকে ) ২৮
- আমি স্বপ্নের ভিতর ( আমি স্বপ্নের ভিতর প্রাণপণে ) ২৯
- পারাবার পেরোবার পর ( শূন্যে তিন জোড়া জুতো ) ৩০
- স্বরচিত দৃশ্যের আঁধার ( বড় অসময়ে তুমি এসেছ সখি ) ৩১
- ইচ্ছেগুলো জ্যোৎস্নার বাগানে ( জ্যোৎস্নার বাগানে আমার ইচ্ছেগুলো ) ৩২
- অমল অশ্বকার ( আমি ডুববে আছি অমল অশ্বকারে ) ৩৩
- ভালোবাসা চারটি কাতু'জ ( ভালোবাসা চারটি কাতু'জ তাজা ) ৩৪

থির বিজ্ঞরী ( কেন তুমি উদাসীন বাসি বিছানায় ) ৩৬  
 আঁসি যাই ( যাই বললে মা বলতেন ) ৩৭  
 সহমরণের বন্ধ ( চোখ ফেটে জল আসে ) ৩৮  
 চল্লিশটা মোমবাতি ( চল্লিশটা মোমবাতি জ্বলছে ) ৩৯  
 বিধিলিপি ( রাত পোহালেই অভিষেক ) ৪০  
 ট্রেন ( স্বপ্নের দিগন্ত বেয়ে ) ৪১  
 ভালোবাসা ( ভালোবাসা কখনো পাওয়ায় ) ৪২  
 এই যে এমন ( এই যে এমন নদীর ওপর আলো ) ৪৩  
 ফুল বনে হাওয়া ( দশটা পাঁচটা স্কুল বাস ) ৪৪  
 ট্রেন ( হাওয়ায় ভাসে বিদায় ) ৪৫  
 ইচ্ছে হলে ( ইচ্ছে হলে পশ্চ পাতায় ) ৪৬  
 নিরুপমা ( গাল দুটি তোর ভরমে ভরাট ) ৪৭  
 গোখুলির রেলগাড়ি ( দু চোখের কোলে তার ) ৪৮  
 যাও ( তাকে বলি বরং ) ৪৯  
 আমার নিজস্ব ( আমার নিজস্ব কোন ) ৫০  
 সে ( এইমাত্র ঘুম ভেঙে ) ৫১  
 বন্ধুকে আমার বিধে যাচ্ছে ( বন্ধুকে আমার বিধে যাচ্ছে বর্ষাফলা ) ৫২  
 যাই ( দীর্ঘকাল দূরে আছি ) ৫৩  
 আজ যেখানে ( আজ যেখানে জলের শব্দ ) ৫৪  
 পাপ ( কোথাও ছিল কি পাপ ) ৫৫  
 লকেট রয়েছে ( এইমাত্র চলে গেল ) ৫৬  
 প্রমিতার সুখদুঃখ ( আমি তাব বন্ধুর নিভূতে ) ৫৭  
 খুঁকি কি সহজ ঘুমে ( খুঁকি কি সহজ ঘুমে বিছানায় ) ৫৮

## ● ଅମଳ ଅଙ୍କକାର



## যে ধ্রুবপদ দিয়েছ

প্রভু, এই নম্র নিরুচ্চার সমাচ্ছন্ন শব্দের গভীরে  
সমস্ত হৃদয় আজ সমর্পিত : মনে উন্মথিত ভয়  
বন্ধুর পাতাল বেয়ে অশরীরী অশ্বকার সিঁড়ি  
ভালোবাসা শান্তিজল কূপের গভীরে চেয়ে রয় ।

সমস্ত লালিত ছায়া মায়াময় মৃৎছবিগুণি  
সান্ত্বনায় অফুরান মর্ম্মরিত বৃক্ষের মতন  
শীতের সতীন স্পর্শে সমর্পিত, সন্ন্যাসী হাওয়ায়  
যুবতী প্রেমের হাত স্বভাবতঃ শিথিল যখন ।

দ্রুত চূষনের শব্দ, উষ্ণ আঙুরের ওষ্ঠগুণি, বাসি  
প্রভু, নিরাপদ ধ্রুবপদ অক্ষের অস্তিত্বে ফিরে আসি ।



## প্রেম এসে চলে গেছে

ভালোবাসা অশ্বকারে আলোজ্বালা ধাবমান ট্রেন ।

তোমার আয়ত চোখ, বিধুর বন্ধুর ঘাণ  
বেশ কিছুকাল রয়ে সয়ে উপভোগ করা গেল, এখন অঘাণ  
স্বথের কোলের কাছে নরম জ্যোৎস্নার আলো জেদলে  
বসে আছি ; তুমি সব উপেক্ষায় দপি'ত দ'পায়ে ঠেলে ফেলে  
অন্যায় চলে গেছ : ভেসে যায় প্রতিমার চোখ, পয়োধর  
বাহু বিজ্জিত ফুলের সাজ, অলঙ্কৃত অধর  
সব, সব, জলে ধোয়া চিঠির মতন মৌন ; কি'বা সে অজর্ন  
হতমান গান্ধীব স্থলিতকর, যুথভ্রষ্ট, শূন্য শর ত'ণ ।

কয়েকটি জোনাকি শুধু চপল আলোর ফিরিওয়ালা, শান্ত বনস্থলী  
'প্রেম এসে চলে গেছে,' নিজস্ব সংবাদদাতা আমি এক চুপি চুপি বলি ।

## নীল কব্জলের গভীরে শুয়ে

ভোরের স্বপ্নের মত ভুলে যেও

বলোছিলে : ভুলিনি

কেননা মাঝে মাঝে স্বপ্নও শূন্য সত্য হয়

তুমি সব ভুলে যাবে, শুধু এই ভয়

অনুক্ষণ বিশ্ব করে

এই ঘোর জ্বরে—

নীল কব্জলের গভীরে শুয়ে থেকে, স্পষ্ট টেরাপাই

কেবল আমার ছিলে একদিন

আজ, সে নিঃশর্ত দলিল আর নাই ।

## মোহিনী অন্ধকার

তোমার চুলের বনে নীল ফুল

কী গভীর হলুদ শাড়িটি তুমি পড়েছিলে সেদিন বিকেলে :

পিছনে রোদ্দুর রেখে হেঁটে যাচ্ছে অস্থির সময়

স্মৃতির উজানে বড় চোরা স্রোত, রক্তের নদীতে তবু ক্লান্ত কোলাহল ।

‘হৃদয়ের প্রয়োজনে কেউই কারোর কাছে ঋণী নয়’

আপ্ত বাক্যের মত কথাটা শোনালো,

শূন্য মন্দিরের ঘণ্টা বিজনে বৃক্ষের মধ্যে বাজে

ঘূমের ভিতরে কার মগ্ন স্বর ‘বিদায়, বিদায় ।’

উজ্জ্বলা, এখন হৃদয়ে এক মোহিনী অন্ধকার খেলা করে ।

## তোমার দু'চোখ

তোমার দু'চোখ স্নিগ্ধ ভারী  
তার চোখে কি দর্প ছিল ।  
সূর্যমুখী ফুলের বনে  
কালো হলুদ সর্প ছিল !

তোমার বেণী বেলিফুলের  
গন্ধে গভীর মগ্ন ছিল  
তার চুলে কি সর্বনাশী  
দ্বিধায় হৃদয় ভগ্ন ছিল ।

তোমার দু'হাত আমন্ত্রণের  
স্পর্শে অনুরক্ত ছিল  
তার দু'হাতে গনগনে আঁচ  
প্রতিশোধের রক্ত ছিল ।

তোমার বৃকের অশ্বকারে  
শান্ত জলের ঋণা ছিল  
তার বৃকে কি বালিয়াড়ি  
অরণ্য অপর্ণা ছিল ।

## সুসময় হ'লে

মাটির গভীরে তুমি চলে গেছ  
বাতাস, চুলের সুগন্ধ তার দেবে না ফিরিয়ে ?  
ও-আকাশ চোখের কৌতুক,  
আমি তাকে ভালোবাসি, তার মৃদু কোমল অসুখ  
তবু তাকে ছিঁড়ে নিল ; তার হাসি  
অমলিন হলুদ অতসী ফুল, তবু বাসি  
মনে হয় আজ : সাম্রাজ্য সকল ফুলে বয়  
একদিন, তুমি তার কাছে যাবে হ'লে সুসময় ।

## পৃথিবীর মায়েদের মুখ ভালোবেসে

একদিন ঘুমের ভিতরে আমি ঘুমের জগতে চলে যাবো  
জানি কেহ কাঁদবেনা, ঝিঙের তরুণী-ফুল চুপে লতা বেয়ে উঠে এসে  
কেমন পেয়েছ শান্তি, মিটেছে সকল মন্দ শূন্যে হলে হাসি হেসে ;  
না হয় এবার এনো আমাদের দলে, স্বপ্নের দোপাটি ফুল  
হয়ে, সাজাবে খোঁপাটি কোন উদাসীন রূপসীর ফুল লাল চুল  
জোনাকীর মত ; না তুমি নিমেষ নীল ব্যথায় নিহত বলে  
অপরাজিতার ফুল হোতে চাপ, না হয় মোহিনীর মোমহাতে

তু'ত রঙ নীলা হলে ;

কেমন কৌতুকে হেসে রোদের রঙের প্রজাপতি,

গংগা ফিড়িং, ঝি'ঝি' পোকা

বলল অমল ফের ফিরে এসো, মানুষের স্নেহে

মায়ের কোলের স্বপ্নে থাকা

হয়ে, শোধ দিতে নীলিমার ঋণ ; জলের মীনের মনে অবিচল শান্তি নেই  
নাহলে অগাধ অবগাহে ভেসে যেতে ; নীলিমার মূখ চেয়ে

মৃদু হিম হেসে

বললেম চুপে 'আবার আসবো ফিরে পৃথিবীর মায়েদের

মৃদু মৃদু ভালোবেসে ।'

বহুদিন পরে ঘরে ফেরা।

গাছেরা যেমন আছে থাক  
পশুপাখি নিসর্গ প্রকৃতি  
সব থাক চিত্রাঙ্গিত ;  
আমি যে আবার তোমাদের কাছে  
গাঢ় হৃদয়ের, ঘনিষ্ঠ তাপের মধ্যে  
ফিরে যেতে চাই ; যেমন ঘরের ছেলে  
ঘরে ফেরে বহুদিন পরে ।

দুঃহাত বাড়িয়ে কেউ ডাকছে, কেবলি  
কানে বাজছে—‘কিরে খোকা এলি’ ।

## ঈশ্বর অমেয় তাই

মাথার উপরে আঁকা মায়াবী মসৃণ নীলাকাশ  
পায়ের তলায় পাতা বৃক্ষের পবিত্র ঘন ছায়া  
জানি সব নিরাময় সময়ের নিজস্ব নিয়মে  
একান্ত নিভৃত দুঃখ গোপন দমিত দীর্ঘশ্বাস ।

দুঃজনায় গল্প গড়ি ঘটনাকে যায় না এড়ানো  
দুঃখের দুর্বীর হাত বৃকের গহনে উষ্ম ক্ষত  
ঝড়ের দামাল দাঁতে অগোছাল সতর্ক সংসার  
দুঃজনেই জেনে গেছি কেঁদে তাকে যাবেনা ফেরানো ।

নত হয়ে চুমো খেলে তোমার ঘুমন্ত শিশুটিকে  
অপার্থিব আলো জ্বলে সূর্যমুখী পুষ্পিত বাগানে  
তোমার বৃকের মধ্যে গল্প বোনে নিশীথের নদী  
ঈশ্বর অমেয় তাই সব কিছুর করে দিন ফিকে ।



## নম্র কাঠ গোলাপের হাসি

তোমার খোঁপায় কবে নম্র কাঠ গোলাপের হাসি ফুটে উঠেছিল  
চকিত জ্যোৎস্নার হাতে ছুঁয়ে গেছ কবে অকারণে  
সে স্মৃতি বিধ্বস্ত আজ  
আশ্চর্য সংলাপ ক'টি ইমন কল্যাণে বাজে কানে  
প্রতিমার নিরঞ্জন, তাও চারিদিকে দৃশ্যের আরাতি ।

অপরাহ্ন বক্ষের বাজনা নিয়ে নিবিড় নিজ'ন হয়ে আসে  
নারিকার নিষ্কমণ মধ্য অঙ্কে নির্মম কৌতুক  
মেঘের মলাট ছিঁড়ে নীলাকাশ মোহিনী মায়ায় মৃদু হাসে  
সলতের মতন পুড়ছে ভ্রষ্টলগ্ন যুবকের বুক ।

তোমার খোঁপায় কবে কাঠ গোলাপের হাসি বড় নম্র হয়ে ফুটে উঠেছিল ।

## ঘাসের গভীরে কটি গঙ্গা ফড়িং

ঘাসের গভীরে কটি গঙ্গা ফড়িং  
নীলিমায় গভীর হলুদ প্রজাপতি  
বয়স্ক শরীর থেকে ছাড়া পেয়ে  
আমাদের সন্তান সন্ততি  
নীলিমার প্রয়োজনে খেলা করে  
আমাদের নিবিড় প্রণয়—  
গাছের ঋজুতা নিয়ে জেগে থাকে আলোছায়া ময়

হলুদ পাতায় আর হাওয়া নেই  
কৃষ্ণচূড়ার নিভে গিয়েছে মশাল  
হয়তো ক্রমশঃ ক্ষয়ে আমাদের কাল  
শেষ হোল, এখন নিসর্গ শূন্য বিদায় বিদায়  
ধ্বনি দেয়, ঝাউ বনে শূন্য তার সায় ।

তোমার চোখের রঙ, চুলের নরম ঢাল  
ঠোঁটের বস্কিম অভিমান  
চুরি করে নিয়ে বাঁচে  
আমাদের অমল সন্তান  
শোধ করে নীলিমার ঋণ  
ঘাসের গভীরে খেলে গঙ্গা ফড়িং  
যেমন খেলছে চিরদিন ।

## হলা পিয় সহি

তীক্ষ্ণ স্তনেতে চোখ ছিঁড়ে যায় সখি  
দু'চোখে হেনো না বাণ  
চুল খুলে দিলে কালো জলে কান্নার  
দু'কূল ছাপানো বান ।

কৌতুকে ঝরে কুন্দ ফুলের হাসি  
রাঙা অভিমান ঠোঁটে  
বসনের আড়ে বাতাসের মাতামাতি  
যৌবন ধন লোটে ।

ঝাঁপি খুলে আর দেখাসনে সোনা ধান  
খর তরঙ্গ নদী  
বয়স গিয়েছে তবুও ঝাঁপাতে পারি  
দু'হাতে বাঁধিস যদি ।

## ভালোবাসা হলুদ রুমাল

হৃদের বদকে ভালোবাসা লুকিয়ে দেখে মদুখ  
হঠাৎ জাগা কিশোরী মেয়ে অলস কৌতুক,  
মাথার পরে নিভৃত নীল আকাশ মেলে ছায়া  
বেণীর বাঁকে জড়িয়ে ওঠা চাঁপা ফুলের মায়া,  
সোহিনী মদুখ সোহাগ করে মোহিনী ছায়াটাকে  
হলুদ রুমাল ভালোবাসার গুডিকোলন মাখে ।

এখানে যত কাজের ভীড় শেয়ার বেচাকেনা  
ফাটকা বাজার টাটকা রাখে ব্যাঙ্কে বাড়ে দেনা,  
কখন মনের মদুখোমদুখি স্বপ্ন অবকাশে  
ভালোবাসা রেশমী রুমাল ঝিলিক দিয়ে হাসে,  
ঝাপসা দেখি লায়ান্স রেঞ্জ ট্রেনের হুইসেলে—  
চলে গেছ, ভালোবাসার রুমাল গেছ ফেলে ।

## অন্ধকারে ইন্দ্রধনু

এখন সে ঘাস হয়  
ফুল হয়  
লতা হয়  
তারা হয়ে থাকে ;

কিশোরী মেয়েটি হয়ে  
হেঁটে যায়—  
তার ছায়া  
ছুঁয়েছে আমাকে ।

মাটির গভীরে গাছ  
শিকড়ের সম্বানী শাবল  
গেঁথে, তবু আকাশকে ছোঁয়  
আলোর পিপাসা—

কখন বলাকা হয়ে  
প্রজাপতি হলুদ ডানায়  
তার যাওয়া আসা  
স্পষ্ট টের পাই—

যেন সে দৃষ্টির লজ্জা  
অন্ধকারে ইন্দ্রধনু আঁকে  
হৃদয়কে হলুদে ছোপাই ।

## স্বপ্নের সবুজ টেলিফোন

ঘুমের গভীরে বাজে স্বপ্নের সবুজ টেলিফোন  
কার গলা বেজে ওঠে অবিকল শৈশবের স্বরে  
তরল শিশির ঝরে রোদ্দুরের মত অমলিন  
বিশুদ্ধ কল্যাণ বাজে অবিরাম রক্তের ভিতরে ।

স্বপ্নে টেলিফোন বাজে গীর্জার ঘণ্টার মত গাঢ়  
জল তরঙ্গের ধ্বনি যেন বৃষ্টি আশ্বিনের আগে  
দূলে ওঠে বৃক আর নাবালক সাধেরা সত্তা  
দূরের যাত্রার ট্রেন টানেল টানেলে ভালো লাগে ।

স্বপ্নে টেলিফোন বাজে দূ'চোখ কামনা কাঁপে কার  
নিবিড় নক্ষার শাড়ী যেন মৃদু গল্পের গহনে  
আকুল অলকে বন্যা নীবিবন্ধে বেশরম হাওয়া  
চতুর চাঁদের চোখ পশ্মের মৃদুদিত মউ বনে ।

স্বপ্নে টেলিফোন বাজে 'অপরূপ জেগে আছ নাকি ?'  
জেগে আছি, আছিই তো খরশান উদাত উত্তর  
গালে টোল ফেলে হাসো দূ'চোখে প্রশ্ন দৃষ্টি শিশু  
স্বপ্নে সবই তো সত্য সম্পন্ন পবিত্র বাড়ীঘর ।

## দৃশ্যশুলো

দৃশ্যগদুলো নিসর্গে ছড়ানো  
শব্দ সব বাঘের খাঁচায়  
ভাব যত স্বপ্নে ফটে ওঠে  
প্রাংশুলভ্যে পেড়ে আনা যায় ।

তবু কিছুর ঘটে না সহজে  
না কবিতা বঙ্গরী বিনতা  
কানামাছি খেলছে সবাই  
দাড়িম্ব ঢেকেছে বাহুলতা ।

চন্দনে কি হবে উপশম  
বিষ পোকা কামড়েছে বন্ধুকে  
তবু যদি নাই কর সখি  
দেখা কি রাখিল সিন্দুকে ।

দৃশ্য সব নিসর্গে ছড়ানো  
বর্মে ঢাকা কবোক্ষ কাঁচুলি  
মরাই-এ পোকায় কাটে ধান  
শূন্যে ওড়ে বোকা বুলবুলি ।

## ভোরের শয্যায় জেগে মৃত এক মীন

ভোরের শয্যায় তার মৃত মূখ জেগে আছে জলে ভাসা কমলের মত  
দারুণ দঃখের ঝড় বাসনার বণ্ডনার বহুবিধ বাথা অবিরত  
খেলেছে হৃদয়ে ; আজ তার অবসান সুখ দঃখ আশা ও নিরাশা  
কেমন শূয়েছে ফিরে প্রসন্নতা মুখে মেখে কেন এই বার বার আসা  
কেন ফিরে যাওয়া অকারণ এই গঢ় তত্ত্ব কিম্বা প্রশ্নও এখন তাকে  
উত্তেজিত করে নাক : কিম্বা সেই পেলবতা যাকে সে পেল না, সুখ  
দিল না যে, নিল না যে নিবিড় হৃদয় সে প্রশ্নও অবান্তর,

আজ তার সমস্ত অসুখ

কি ষাদ্দু দণ্ডের স্পর্শে অকস্মাৎ সেরে গেল, এখন বিগত ভয়, ভারশূন্য  
নিঃস্পৃহ নির্বাক কিম্বা অসম্ভব অনন্তের খুব কাছাকাছি  
নিরালম্ব পেঁচিছে গেছে ; প্রেমের দহ'হাত ছুঁতে সাধ, বহু কানামাছি  
খেলা সাস হোল, হৃদয় এখন রিক্ত মৃত মৌন গহ্বর মতন  
ঘুমিয়েছে, এতকাল বিকির্ষিত জ্বলেছে যে অনাহত বিশাল যৌবন  
সমাহিত শূন্যতায় শূয়ে আছে সেও, ঝড়ির গহনে স্নিগ্ধ শীতলতা,

মৃত এক মীন

বর্তমানে স্বপ্নের সাগর জলে খেলা করে, জয়ে দর্পী রক্তের তুঁহন ।



## তীক্ষ্ণ মেঘে বজ্রের বিস্ফোভ

হঠাৎ মেঘটা ডাকলো অপরাহ্ন অন্ধকারে ঢাকা  
তোমার কোমল কালো পাখা চোখ দুটি  
বড় বেদনায় জ্বলে ভরে ওঠে বার বার ।  
বাটিকের কারুকায় জাম রঙ জামা, শাদা হাত  
তীক্ষ্ণ আঙ্গুলে আঁকা চন্দ্রহাস নোখের আলপনা  
তুমি নত মুখে বসে আঙ্গুলে আঙ্গুল বোনো  
সময়কে উপেক্ষায় পায়ে ঠেলে, আর—  
বাতাসে শিসের মত শব্দের প্রবাহ অবিভ্রাম  
বয়ে যায় অমানিশা খোলা এলো চুলে ।  
অনামিকা ঘিরে ঘোর নীলার আকাশ  
অসীমতা নিয়ে অহনির্নিশ তোমাকেই দেখে,  
তুমি কথা বলো গানে, প্রাণের ফোয়ারা  
অবিরাম ছাঁপিয়ে ঝাঁপিয়ে পড়ে  
তীক্ষ্ণ মেঘে ঘন বজ্রপাত, অকস্মাৎ বিস্ফোভ জানায় ।

## রাজকীয় মহিমায় ফিরে আসি

রোজ রোজ একই রাস্তা ধরে হাঁটতে ভালো লাগে না  
একই মুখ দেখে দেখে চোখ পচে যায়  
একই মাংসে আলদুনি আম্বাদ ;

আমি তো সম্রাট নই স্বর্ণাভ বৈভবে  
তবু রক্ত চিনাংশুকে রাজ মহিমায় হেঁটে যাই  
দু'ধারে দোকান পাট বাড়ীঘর স-সম্মুখে পথ ছেড়ে দেয়  
জলের ভিতরে পথ কেটে চলি ক্রাইস্টের মত ।

যৌবরাজ্যে অভিষেক হয়েছিল, দামামা বাজেনি  
অনুঢ়া সুন্দরী নারী কনিষ্ঠ আঙুলে  
রক্ত চন্দনের টিকা কপালে আঁকেনি,  
তবু আমি রাজপুত্র রাজ্যহীন পার্শ্বদ হীন  
তোমরা হৃদয় দ্বারে ন'বৎ বসাত  
আমি, রাজকীয় মহিমায় বার বার ফিরে ফিরে আসি ।

## তুমি চলে গেলে

তুমি চলে গেলে মোমবাতির ভেতর থেকে কখন

অজ্ঞাতে আমার আলোটা ছুরি হয়ে যায়

অগোচাল বিছানা হাতড়ে বালিশের তলা থেকে তিনটে

শূন্য দেশলাই-এর খোল উদ্ধার করে আনি,

পায়ের নীচে পাপোষটা উপড়ু হয়ে শূন্যে থাকে,

ঘড়ির ঘণ্টাগুলো এলোমেলো বেজে যায়

আয়নায় এক পদ্রু ধুলোর ভেতর থেকে

নিজেকে ঠিক ঠিক চিনে নিতে কষ্ট হয়,

অবদূর কুকুর দূ'চোখে অভিমান মেখে জানলায় কান পেতে স্থির বসে থাকে ।

ছায়া ঘন হতেই হাওয়ারা মূ'খ ফিরিয়ে নেয়

কালো আলোয়ান গায়ে দিয়ে ভীড়ের ভেতর থেকে

কখন অকারণে অফুরান অন্ধকার উঠে আসে,

ঘুমের ভেতর হানাদার দস্যুরা স্বপ্নের সীমানায়

মরার খুলি আঁকা লাল নিশান উড়িয়ে দেয়

হাড়ের গুণ চিহ্ন শ্বিগুণ প্রতিশোধ নেবে বলে কেবলি ভয় দেখায় ।

তোমার চিঠি আসে না, কেবল

নিষ্ঠুর নিয়মে নিরস খবরের কাগজখানা জানলায় গু'জে দিয়ে ভোরবেলাটা

রোজ কেবল চোখের শাদা অংশটা নিয়ে নির্বোধের মত চেয়ে থাকে ।

## আমি স্বপ্নের ভিতর

আমি স্বপ্নের ভিতর প্রাণপণে সুইচ টিপেও কোন আলো জ্বালাতে পারি না

আমি স্বপ্নের ভিতর এক বুক ঘেমে উঠে একফোটা স্বপ্ন গলা দিয়ে

ফোটাতে পারি না

আমি স্বপ্নের ভিতর ট্রেনের সমস্ত কামরা ছুঁয়ে কোথাও না

উঠতে পেরে ফিরে আসি

আমি স্বপ্নের ভিতর অনায়াস সাধ্য জাগতিক যা কিছু তার কিছুই পারি না ।

আমি স্বপ্নের ভিতর মন জ্যোৎস্নার মাঠে তবু মাঝে মাঝে তার দেখা পাই ।

## পারাবার পেরোবার পর

শব্দ র্যাকে তিন জোড়া জুতো  
ঝক্ঝকে পরস্পর কুশল জানায়  
সিগারেট পাইপের পেটের ভিতর  
কোন ময়লা নেই : বন্দুকের ব্যারেলে  
মাছি পিছলে যায় ; দেয়াল দরোজা  
মসণে চিকণ কান্দিত : কিন্তু সব চিত্রাচিত্র ।

দেয়ালে দুলছে মালা, ফটো ঘরে  
ধূপের ধোঁয়ার অস্ফুট মিনতি ভাসে  
ফিরে এসো ফিরে এসো বলে,  
কিন্তু, কি ফেরা যায়, কেউ ফেরে  
পারাবার পেরোবার পরও ।

## স্বরচিত দুঃখের আধার

বড় অসময়ে তুমি এসেছ সখি  
এখন তোমার চলে যে সুবাস খেলা করে  
খোঁপায় কামিনী ফুল যে গোপন সুরাভি বিলায়  
ভ্রু-বিলাসে যে কথা সোচ্চার  
তার কিছই বদ্বিধনা ।

যদিও তোমার মুখ বড় মসণে কাঁচের মতন স্পষ্ট  
ভিতরে ভালোবাসা বড় স্পষ্ট হয়ে জ্বলছে  
স্বদূরিত অধরে অভিমান সাপের মতন খেলছে  
নারিকার ছলাকলা চটুল চলায়  
দ্রুত হাত নাড়ায় প্রেম জলদে বাজছে  
তবু তার কিছই স্পষ্ট নয় ।

হৃদয়ে কোথাও এক করুণার নদী ছলছল অন্তঃসলিলে বয়  
দুই চোখ আকণ্ঠ তৃষ্ণার জলাধার  
দুই করতল মমতায় মায়ের মতন স্নিগ্ধ  
ভালোবাসা একমুঠো জুই ফুল বৃষ্টি ভেজা অনিবচনীয়  
আমি তাই খুঁজছি ।

সে কোথায় পাব সখি, কেউ দিতে পারে  
তাই, অভিমানে ফিরে আসি স্বরচিত দুঃখের আধারে ।

## ইচ্ছেগুলো জ্যোৎস্নার বাগানে

জ্যোৎস্নার বাগানে আমার ইচ্ছেগুলো  
নীল রঙের সাবলীল হরিণের মত দেখাচ্ছিল,  
আচমকা ব্রেসিয়ারের হুকটা খুলে যেতেই  
দৃশ্যটা চলকে উঠলো ;  
আর তক্ষণ মনে হোল  
চোখ দু'টোকে নক্ষত্রের নরম নরকে ডুবিয়ে দিলেই বুদ্ধি শান্তি মেলে

তৃষ্ণাগুলো হঠাৎ বড্ড বেশী হ্যাংলা হয়ে উঠছে ইদানীং  
দৃশ্যটাকা দিয়েই বুদ্ধি বাজি জিতে নেওয়া যায় ;  
স্বপ্নের গাঢ় বাদামী রঙের ঘোড়াগুলোতে  
আমার সমস্ত উদ্দাম ইচ্ছে ভরে দিয়ে সবুজ সতরঞ্জির উপর  
চাবুক কষিয়ে প্রাণপণ ছুটিয়ে দিই  
এক, দুই, তিন, তারা-বাজির মত ছিটকে  
ট্রিপলটোট বাজি জিতে তারা মরিয়া হয়ে ভেসে যায় ।

সবুজ সর্দৌল জামার তলায় এক ছটাক বাদামী রঙের  
বেওয়ারিশ জমিতে হাত বুলিয়ে দাগে দাগে  
মৌজা মিলিয়ে নিতে নিতে  
রেল অক্ষরে লেখা একটা গোটা উপন্যাস অনায়াসে পড়ে ফেলি ।

ঈশ্বর ঘৃণাক্ষরে লেখা তিনটে হাড়ের সমর্থ ঘৃণিটি  
খটখট করে বাজিয়ে পাশার ছকের উপর উল্টে দিতেই  
বোঝা গেল পবিত্রতা একটা সোনার পাথর বাটি এবং  
ধর্মের মশলা মিশিয়ে দুনিয়ার তামাম মন্দির গাঁথা হয়  
অশিক্ষিত বিশ্বাসের সঙ্গে সাঁট করে ।

জ্যোৎস্নার বাগানে আমার অলীক ইচ্ছেগুলোকে কবর দিয়ে  
মাটি মাখা হাত টান করে এইমাত্র উঠে এলাম  
আমলকী গাছের তেকাটায় অবিশ্বাসী চাঁদটাকে ফাঁসীতে লটকে,  
প্রতিশ্রুতি একটা ফাঁপা বৃদ্ধবৃদ্ধ সাবানের সামথে  
এবং হাওয়ার সূর্যতাই যাকে খানিকক্ষণ নিরালস্য রাখে  
এবং তারপরেই ভীষণ খিঙ্করে আয়নায় আমার  
আটত্রিশ বছরের লালিত ছায়াটাকে ফেটে পড়তে দেখলাম ।



## অমল অন্ধকার

আমি ডুবে আছি অমল অন্ধকারে  
তুমি একবার বাড়াও তোমার হাত  
তবে এই কালো রাত্রির ধারাপাত  
আলোয় আকুল হলেও বা হতে পারে ।

একা এই ঘরে নিঃস্ব দিনের ভয়  
দুয়ের খুললে হলুদ পাতার বন  
তোমার চোখের স্নিগ্ধ নীলাঞ্জন  
বৃন্দের হাতে মর্দিত বরাভয় ।

রিক্ত পাতার গাছের প্রাথনাকে ।  
বগ্ননা নয় বসন্ত আনে প্রাণ  
বর্ষা রাতের জুঁই-এর কোমল ঘ্রাণ  
সবুজ পাতায় সকল অঙ্গ ঢাকে ।

আমি ডুবে আছি অতল অন্ধকারে  
তুমি এসো আমি জ্বালবো আবার আলো  
আকাশ ধাঁধিয়ে বিদ্যুৎ চমকালো  
তুমি এলে বীণা বাঁধি মেঘ মঞ্জায়ে ।

## ভালোবাসা চারটি কাতু'জ

ভালোবাসা চারটি কাতু'জ তাজা  
বন্ধকের বন্দুকে ভরা ছিল  
যতদিন ছিল বন্ধকে বন্ধি রাজাসাজা  
বেমালুম মানাতো আমাকে  
যেদিন তোমার বন্ধকে বিঁধে দিই তাকে  
শত্রু ভেবে নয়, কিম্বা কে বলতে পারে  
তুমি ছাড়া বড় শত্রু কে আছে সংসারে ।

## খির বিজুরী

কেন তুমি উদাসীন বাসি বিছানায় শূয়ে আছ  
অজ্ঞাতে জমেছে জল বাঁ চোখের কোণে,  
কে বলেছে শূভ হবে, মগ্ন স্বপ্নে ডুবে গেছ তাই ;  
কেন তুমি ঘুমভাঙা চুলে রক্ত করবার দাগ বাঁ দিকের স্তনে  
শূয়ে খেলা কর, নিজেকে নিয়েই, উঠে প্যাটে স্মৃতিগুলো গোনো ।  
কেন ঘুম ভেঙে তুমি বাসি বিছানায় শূয়ে আছ রাজকন্যা—  
উরু বেয়ে শিহরণ বকুল ফুলের মত : সোহাগী সমস্ত খেলনা  
হেলায় ছিটিয়ে খেলছে কিশোরীর মত আনমনে ;  
কেউ কি দিয়েছে গাল, বাবা বকে উঠেছে ঘুমের ঘোরে  
তাই অভিমান গালের টোলেতে খেলছে মাছের মতন ।  
এই জল এই লুকোচুরি আলোছায়া, এই স্তব্ধ শ্বিপ্রহর  
চড়ুই পাখির আনাগোনা ; শব্দগুলো যেন কোন অন্য জগতের  
গন্ধ বয়ে আনে, বৃকের ভেতর কার হাসি বিদ্যুৎচমক,  
কার কণ্ঠ বিস্মিত দৃষ্টির মধ্যে আত্মপরিচয় বারবার ;  
কেন অবেলায় ঘুমভাঙা চুলের গন্ধে ত্রস্ত বেশবাসে  
বাসি বিছানায় রাজকন্যা শূয়ে আছ অজ্ঞাতে জমেছে জল  
বাঁ চোখের কোণে ; সোনা ও রূপোর কাঠি, জন্মমৃত্যু তোমার দুপাশে  
তুষারে ডোবানো লাল চুনি দুটি চুপি চুপি খির ঢেউ-এ ভাসে ।

## আসি, যাই

যাই বললে  
মা বলতেন—  
'যাই বলতে নেই  
বলতে হয় আসি'  
আসি বললে  
বলতেন—  
'এসো' ।

এখন যাই বললেও  
কেউ বলে না  
যেয়ো না,  
আসি বললেও  
বলে না কেউ  
এসো ।

তবে আর থাকিছি কেন ?  
হ্যাঁ থাকছো কেন !  
তবে যাই—  
যাও ।

## সহমরণের বধু

চোখ ফেটে জল আসে  
বুকের ভিতর দঃখে ঘন হয় আরো  
আঙুল মটকে তীব্র ফণা তুলে বলি,  
তুমিই আমার মৃত্যু এনে দিতে পারো  
যে কোন নিমেষে—

সলাজ নরম ঠোঁটে মৃদু চোখে হেসে  
বলে ঠিক  
জ্ঞানশূন্য দিগ্বিদিক—  
সহমরণের বধু  
স্বেচ্ছামৃত্যু, সে বন্ধি আমরা ।

## চল্লিশটা মোমবাতি

চল্লিশটা মোমবাতি জ্বলছে বন্ধের ভেতর  
বস্তুতঃই চল্লিশ বছর  
প্রতিমার চোখে চেয়ে জ্বলে জ্বলে শেষে  
হঠাৎ হাওয়ার ফুঁএ ফুঁরিয়েছে শেষে ।

## বিধিলিপি

রাত পোহালেই অভিষেক এমনি ছিল ঠিক  
পট্টবস্ত্রে কুহকিনী ছিটিয়ে দিল পিক,  
বক্ষলে তাই অঙ্গ বেঁধে দূরন্ত যৌবনে  
ভাষা এবং ভাই-এর সঙ্গে গেলেন তিনি বনে  
কপালে তাঁর স্মৃতি লেখেনি এবং বিধি বাম  
কি করবেন ঋষি কবি কি করবেন রাম !

## ট্রেন

স্বপ্নের দিগন্ত বেয়ে বোঁকে যায় ট্রেন  
তবে কি মৃত্যুর বাহন প্রলম্বিত দক্ষিণ শিয়রে !  
মৃত যত পরিজন ঘূমের গহীনে গম্প করে  
কপিশ মহিষে চেপে কালাতক কবে যে আসেন ।



## ভালোবাসা

ভালোবাসা কখনো পাওয়ার  
ভালোবাসা চকিত চাওয়ার  
ভালোবাসা বিবাগী হাওয়ার  
হলুদ আঁচলে ভেসে যায় ।

ভালোবাসা করতলে তাপ  
ভালোবাসা স্নেহে অভিষাপ  
ভালোবাসা সব সন্তাপ—  
কেমন সহজে সওয়া যায় ।

ভালোবাসা মেঘের মায়ায়  
ভালোবাসা স্নেহের ছায়ায়  
ভালোবাসা হাসির হাওয়ার  
হলুদ আঁচলে জ্বলে যায় ।

## এই যে এমন

এই যে      এমন নদীর ওপর আলো  
এই যে      এখন পাহাড় বেয়ে ঘাস  
এমন      যদি থাকতো বারোমাস,  
তবে      তোমার হাতে জয়  
আমার      হোত স্নানিচয় ।

কিন্তু      আমার নদী  
এমন      শূন্য হোল যদি  
তবে      কোথায় বা আশ্বাস  
সব      পাহাড় জুড়ে ঘাস  
            শূন্যকনো মনে হয়—  
বুক বেয়ে এক তন্ত হাওয়া  
রাত্রি ব্যোপে ভয় ।

## ফুল বনে হাওয়া

দশটা পাঁচটা স্কুল বাস

চলে যায়

খোলা জানালায়

মুঠো কয় ফোটা জুই ফুল

না ফোলানো বেলুন ?

ঝড়ু চুল, খুঁশির হাওয়ায় ওড়ে

রূপোলী রোদ্দরে ।

লাল নীল হাসকা সবুজ

লিলিপুট ছেলেমেয়ে, গালে রুজ

আমূল ননীতে গড়া ঢেউ

ওরা নয় কেউ,

তবু খুঁশি, মরা মন

ফুল বনে ভিজে হাওয়া

বুঝেছি তখন ।

## ট্রেন

হাওয়ায় ভাসে, বিদায়, রুমাল  
নত চোখের চাওয়া  
মলিন হাসি—যাই  
তাই  
ট্রেন বন্ধি যায় ছেড়ে  
বন্ধ ফাটানো ধোঁয়ায় নিশান নেড়ে  
হাজার হট্টরোলে ।

পতাকা তার ওড়াউড়ি  
পলক প্রমাণ তাও  
মোছে হাওয়ার হাতে ;

স্মৃতি মনের মরশুমি ফুল  
ফোটে বাটন হোলে  
গশ্বে মাতে রাতে ।

ইচ্ছে হলে

ইচ্ছে হলে পশ্চিমপাতায়  
টলটলে কিম্ব জল  
চলকে দিতে পারি ;

ইচ্ছে হলে বৃকের বিজন  
বেহালাটায় ঝড়  
ছড় টেনে সগারী ।

ইচ্ছে হলে ঝাউ বনে চুপ  
শীগ'শিখার নদী  
নির্দয়তার দানে—

ইচ্ছে হলে সাজানো সাধ  
স্নিগ্ধ স্মরন ঘর  
ভাসাই ভরা বানে ।

কেবল আমার ইচ্ছে হয় না  
নয়ন মৃদে রাখি  
ইচ্ছে হলে অরণ্যে ঘোর  
ফাগুন ফুটেতো নাকি ?

## নিরুপমা

গাল দুটি তোর ভরমে ভরাট খুঁকি  
হেসে হেঁটে গেছি আমার আঙিনা দিয়ে  
অঁচল আড়ালে শিশুচাঁদ দেখে উঁকি  
আমার আষাঢ় একলা কাটে কি নিষে ।

দুটি চোখ তোর হিরণ হিরণ ভীরু  
তবু চমকায় কখন কি মনে পড়ে  
ভরা ভাদরেতে নিরুপমা, ডাকি নিরু  
যৌবন বনে জল পড়ে পাতা নড়ে ।

দুটি বাহুলতা শাঁখের সোহাগ শাদা  
চিকুরে চমক সহজ জলের জরি  
বয়স বিরস দু'চোখে চতুর খাঁখা  
তবু পাশে থাক প্রিয়জ্ঞ পায়ে পড়ি ।

## গোধূলির রেলগাড়ি

দু'চোখের কোলে তার কোমল কাজল  
বুঝি স্নিগ্ধ সমারোহ নয়, মৃদু মিনতির মত  
অহেতুক অভিমান শীতের হাওয়ায় ভাসে,  
তার সে সরল সঁখি করুণ কেশের ঝাউ  
বেদনায় বিদীর্ণ, আত্মমগ্ন পায়ে চলা পথ  
মায়াবী রোদ্দুরে : উপমা উৎপ্রেক্ষা বেয়ে  
বুঝি মানিনীর ছবি অস্পষ্ট রয়ে গেল  
ফিকে রোদ ফুঁকে দিল মাঘের আকাশ  
রূপের যুগল ঘণ্টা বুকে দুলে ওঠার আগেই  
গোধূলির রেলগাড়ি ছেড়ে দিল পাঁচটা পঁচিশে ।

যাও

তাকে বলি  
বরং, দঃখের দোরে যাও,  
তার হাত ধরে শেখো  
মুখবোধ, চারুপাঠ, নবনীতি সদুধা  
জল পড়া, পাতা নড়া ।  
তার কাছে মাথা পাতে  
মন্ত্র-দীক্ষা নাও,  
ভাবো, দঃখ কি দোলায় শূন্য  
না সে ভালোবাসে ।

তাকে বলি  
দঃখের দিগন্ত দীর্ঘ  
দিকচিহ্নহীন সীমারেখা  
ছায়া মরীচিকাবৎ  
নীল শূন্যে মিশে আছে ।

আঁচলে স্নান আদ্র  
দ্রবদৃষ্টি কপোলে কোমল  
দঃখের ধরণ নয় ;  
দঃখ বড় দয়াহীন-দূরে ঠেলে  
দাবদাহে দহে  
দঃত দঃডী চাবুক দোলায় ।

তবু দঃখের দুর্যোরে যাও  
তাকে দীর্ঘ কড়া নেড়ে ডাকো  
দাবী কর শাস্তিজল  
বল—‘গাঢ় চোখে চাও ।’

যদি পার—  
দঃখের দৃকূল ছোঁও  
নমনত ঠোঁটে  
বুকে বসনে জড়াও  
যেন মায়া, যাও ।



## আমার নিজস্ব

আমার নিজস্ব কোন নদী নেই  
বে চেনে আমাকে  
আমার নিজস্ব কোন পাখি নেই  
শিস দিয়ে ডাকে ।

আমার নিজস্ব কোন তারা নেই  
একলা আকাশে  
আমার নিজস্ব কোন নারী নেই  
ঠেটি টিপে হাসে ।

আমার নিজস্ব কিছু দুঃখ আছে  
সযত্ন সম্বিত  
আমার সবস্ব জুড়ে দুঃখ, কেউ  
বিনিময়ে নিত ।

সে

এইমাত্র ঘুম ভেঙে জেগেছে সকাল  
এইমাত্র দোল খেল কচি রোদে শিরিষের ডাল  
এইমাত্র শিশ দিয়ে ডেকে গেল পাখি  
আমি তার তীব্র হিম হিমানীর স্তূপে মুখ রাখি ।  
দুধারে কোমল শীত বড় স্নিগ্ধ মৌণ অনুভূতি  
মায়াবী নন্দন বন মরকত দর্পিত  
নদীর নরম জলে তোলে তোলপাড়,  
শ্লথ নীবি নীল শাড়ি, তার তুত পাড়  
বড় নম্র আননেতে গল্প বল, কাল রাতে  
কি নির্বিড় নাগরালী ঘটে গেছে, পালক কোমল বিছানাতে ।

এখন বসন্তকাল ফুলের ফসলে ফুল নীল প্রজাপতি  
আমি সুখের শীৎকার, নিভৃত নিষেধ, অতি  
রমণের ক্রান্তি ভুলে, সোহাগ স্তূপে ডাকি—নিরু  
চায়ের চটল শব্দে চোখ চেয়ে, কখন সে ভীরু  
সুখের আঁচল মেলে অভ্রঞ্জে হেসেছে মৃদু চুপে  
আর আমি দসুহাতে লুপ্ত তার লাবণ্যের স্তূপে  
চকিতে লুপ্তন সেরে লম্পটের লালসে তাকাই,  
কপট শাসন শূনে ভয় ভালোলাগা ভরে হাই  
তুলে বস্তুতঃ চোখের সামনে যাকে তীক্ষ্ণ তিরস্কার করি  
সে সবে সাতটা বাজা ছোট জ্যাজ টাইমপিস ঘড়ি ।

## বুকে আমার বিঁধে যাচ্ছে

বুকে আমার বিঁধে যাচ্ছে বর্ষাফলা  
নাকি বর্ষা উপদ্রুত ঝড়পদ্রুত অসময়ের ঘাসে,  
সুখে আমার সিঁধ দিচ্ছে সহিষ্ণু চোর  
নাকি ফসাঁ হচ্ছে আকাশ, হাসে  
সূর্য হিরণ্যময় অসংবৃত পদ্বন ;  
এখন আমি ভেবে পাইনে, জরা না জয়  
সত্যিকারের কোনটা কে কার ভ্রমণ—  
তামাদি দঃখের ; দাহে কোনটা টিকবে  
বা বর্ণজ্বলে বিচ্ছিন্নি এক ব্লাউজ  
সেমিজ. সায়া ; গয়না আমার গায়ে  
সয়না, ধাতে কামিনী কাণ্ডন, কামে  
সমুহ সন্দেহ, ছাইএ এ-হার দেহ ঢাকা ;  
দোহাই দাতা একান্তই কি দেওয়ার ইচ্ছে ?  
তবে বর্ষা কিম্বা বর্ষা বা সুখে সোহাগ  
মেশাও, আর পেশাও সহজ সরল :  
আকণ্ঠ এই নীলের নীচে আকীর্ণ হাত  
যখন তৃষা তরল, যখন মদে মেদে  
মত্ত মেয়ে অহরহই মেশায় গোপন গরল !

যাই

দীর্ঘকাল দূরে আছি  
ভুলেছি দূর্ম্মর দঃখ  
আধো আঁচরের আড়ে আলো,  
বলি এই ভালো—  
এই দূরে দূরে থাকা  
ভুলে থাকা ভদ্র ভান গঢ়িল ।

ছায়ার বলয়ে বৃক্ষ স্থির  
ফুলে অমলিন অহংকার  
জন্মশোধ ভালোবাসাবাসি,  
সময় হয়েছে, যাই—  
রোদ্দুরের পাড় বেয়ে  
ঝরুকে ইশকুলে দিয়ে আসি ।

## আজ যেখানে

আজ যেখানে জলের শব্দ  
যেখানে আজ নদী  
সেইখানে এক পাহাড় ছিল  
দিগন্ত অবাধ ।

আজ যেখানে ফুল  
ফেলে দিই শান্ত বিসর্জনে  
সেইখানে সে বসতো এসে  
নিশান্তে নিজনে ।

আজ যেখানে সে গিয়েছে  
জল নিয়েছে পিছু  
দিগন্ত আজ দুয়ার দিল  
দুঃখী দু'চোখ নীচু ।

নয়ন জলের নয়নজ্বলি  
পথ কেটেছে বনে  
নদী নিপুণ নৃত্যে নাচে  
প্রপাতে তর্জনে ।

আজ এখানে মন পুড়েছে  
বন গিয়েছে ঘুরে  
মায়ার মালা জলে ভাসাই  
কাষা মেশাই সুরে ।

## পাপ

কোথাও ছিল কি পাপ ?

তাই তাপ

তাই এই শোক,

তাই তো পাথর

বুক জুড়ে ;

অভিশাপ কেউ দিয়েছিল ?

তাই কান্না

তাই করাঘাত

তাই তো যে হাত—

হেলায় সমস্ত দেয়

তাকেও তো

দিয়েছে ফিরিয়ে ।

কোথাও ছিল কি ধন্দ ?

তাই ধূলি

তাই ঐষ

তাই ধূনি জ্বলে ;

তাই শূনা

শিরোধার্ষ.

তাই দঃখ

দীর্ঘশ্বাস

দয়াহীন

দপিংগের দুই করতলে ।

## লকেট রয়েছে

এইমাত্র চলে গেল । লকেট রয়েছে তার  
ষোল বছরের শূন্যশূন্য । হৃদয়ের ওঠাপড়া  
কিশোরীর মানসিক মানচিত্র, আবহাওয়া দস্তরে  
ঘন্টায় ঘন্টায় এই রোদ এই বৃষ্টি  
এই মন্দ হাসি ; কাঠবিড়ালীর পিছে  
ছুটে যাওয়া অকারণ : এইমাত্র চলে গেল ;  
তিন জোড়া নতুন জুতো ; ম্যাক্সিমিনিগলি  
ভিজি, রোম্‌দুরে শূন্যকোয় । ও আর পরবে না ।  
আহা অভিমান শূন্য এক বাস্তব রুমালের  
শ্লান মূখচ্ছবি । ও আর ছোঁবে না দাঁতে  
কাটবে না শ্বিথাম্বশ্বেদ থরোথরো হলে ;  
শূন্য লকেট রেখেছে ধরে গত ষোল বছরের  
প্রতি দণ্ড পলে, ঘূমে জাগরণে শ্বেন  
শূন্য অভিমানে সব শব্দ সব অহংকার ।  
এইমাত্র চলে গেল । লকেট জেনেছে একা  
অজীভূত হৃদয়ের শ্লান ওঠাপড়া  
পপির বিভ্রম বাষ্প, একা ঘরে গন্ধ কিছুকাল ।

## প্রমিতার সুখদুঃখ

আমি তার বৃকের নিভতে নিবিড় নীলিম দৃঃখ

দৃ পিচটা খুচরো অভিমান

নীল লেস বসানো রুমালের রুঃখরোষ,

দীর্ঘ পল্লবের দর্পী দঃস্বপন খুঁজে পাই।

জানি সে নেই সেখানে, পিতার প্রতঃত স্নেহ,

মায়ের মায়াবী হাত ভগিনীর

গচ্ছিত গোপন গল্প কিম্বা ভাই-এর ভঙ্গুর ভালোবাসা জমা আছে।

আমি তাকে সায়ঃতনী বকুলতলায় তরল জোৎস্নার জলে বেগুনী ফুলের  
নিবিষ্ট ডালের নীচে খুঁজে পাই। দেখি আশ্বিনের সুরুদয়ী স্বাভাবিক  
মেঘ মেয়েটির স্ফুট দঃখে অভিমানী স্ফীত। আমি শ্লথ বঃত বকুলকে  
বলি তুমি আরো নমনীয় শিশির নিস্কৃত ফুলে ভরে দাও বীথি। রাহি  
তুমি নিবিঃরোধী ঘুম দাও মেয়েটির চোখে ;

স্বপ্নে যুবকের সঙ্গসুখ স্তম্ভা।

যেন জেগে উঠে অভিমানী দঃমঃর দঃঃখের অঃ্তে দিবা-ডাকবান্দ খুলে

ফুবফুর যুবকের দীর্ঘ খামে হাওয়াই জাহাজে ভাসা

সুগন্ধি সঃতঃত চিঠি পায়।



খুকি কি সহজ ঘুমে

খুকি কি সহজ ঘুমে বিছানায়

স্ফুট শ্বতন ভেসে আছে

বড় অসহায়, যেন কার সঙ্গস্থ

সোহাগের স্পর্শ পেতে চায় ।

আমি তাকে সহজ জ্যোৎস্নার জলে

কদম্বের কম্বু সুরভিতে রেখে দিই.

যেন জাগতিক কোন দুঃখ ভুলেও

দোলে না তার অলকের আলতো কদুম )

খুকি কি সহজ ঘুমে, স্বপ্নে সাগরিকা

ঝিনুক কড়োয় বা বালির বিবর গড়ে

এক দোকা খেলে : তার নীল রিবনে

বো-বাঁধা বেণী খুলে যায়, ঘামে

ভেজে তালু ; মনের মর্মর শোনা যায় ।

পৃথিবী তো নিরীশ্বর নয়—তাই

অনুচ্চার প্রাথনায় বালি—

আহা এখনো অনেক পথ

পড়ে আছে, পায়ে কাঁটা বেঁধা

অশ্রুকার, হাঙরের হাঁ ;

তবু তার সমস্ত বালাই নিয়ে

আমি যেন মরি এবং যেমন জ্বলছি

আজ আভোগ বসন্তে, কিম্বা

পরজন্মে ঠিক তেমন জ্বলি ।

